

IN LIBRUM QUINTUM

EPITOMA.

S Forcia de Mincio fluvio superando agitare coepit: Contarenius classis Praefectus navali praelio hostem in Benaco superavit, oppidaque lacui adjecta recepit: Venetae copiae Mincio trajectae omnia Brixiensis agri loca receperunt: Sforcia hostem inter Soncinum & Novos Urceos ingenti praelio vicit, copiisque ad Abduam admotis, ingentem trepidationem Transabduanis iniecit: Leo Sforciae frater ad Caravagium bombardatus interiit: Picininus ingenti praelio ad Anglare in Hertruria superatus est: Sforcia appetente hybernorum tempore Venetias venit: Spectacula & ampla & insignia in gratiam Jacobi Foscarini, Principis filii, edita, plures dies civitatem occupatam tenuere: Picininus in Galliam reversus plura Brixiensis agri loca per hyemem occupavit: Validissimae Venetorum & Philippi copiae ad Martinengum uno tempore confedere: Pax Philippo Sforciae arbitrio redita est: Sforcia Blancae conjugis nuptias Cremonae celebravit: Ipse, pacis conditionibus per ocium publicatis, Venetias cum nova conjugue progressus, honorificentissime est acceptus.